


পোয়া-মাইয়া অলর লাই বাইবেল  
যা প্রকাশ গইজে



ভালা রাজা,  
খারাব রাজা



যে লেইকে: Edward Hughes

যে ছবি আইকে: Lazarus  
Alastair Paterson

যে সম্পাদন গইজে: Ruth Klassen

যে অনুবাদ গইজে: Arpan Dey

যে পরিচালনা গইজে: Bible for Children  
[www.M1914.org](http://www.M1914.org)

©2023 Bible for Children, Inc.


বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার, ইলেকট্রনিকস,  
রেকর্ড গরিবার আর হুবহু লেখিবার অনুমতি দন গেইয়ে।




ঐ দিন মনঃশির লাই খারাব  
আছিল। তার বাবা, রাজা হিষ্কিয়  
মারা গিয়ে। এখন, মাত্র বার বছর  
বয়সত, মনঃশিই নোয়া রাজা  
অইব, যিহুদার ঈশ্বরের মানুষর  
উবর। ইয়ান ইতা নজানে, মনঃশি  
৫৫ বছর রাজত্ব গরিব। একজন  
ভালা রাজা অইবারলাই মনঃশির  
ঈশ্বরের সাইজ্য দরকার।




কিন্তু মনঃশি ঈশ্বরকে পাত্তা নদে আর খারাব, খারাব কাম  
গইজে। মনঃশিয়ে দেবতা পুজার বেদী বানাইয়ে। এনকি উঙ্গা  
কেয়ারার মুক্তি বানাইয়েরে ঈশ্বরর মন্দিরত রাইকথ্যে! ঈশ্বরে  
মুশির দিয়েরে কইল, “তোয়ারা কঅনঅ কেয়ারার মুক্তি  
নবানাইবা। তারার কাছে মাথা নত নগরিবা বা তারার সেবা  
নগরিবা।”



মনঃশিয়ে যাদুমন্ত্র আর রাশিফল  
অব্যাশ গইরত। ইতা মাইনসরে  
ঈশ্বরর কাছতুন দুরে লইগিয়েগই।  
এনকি এইরাজা নিজর পোয়ারে  
দেবতার কাছে উৎসর্গ গইজে।  
মনঃশির অবাইদ্যতার কারনে  
ঈশ্বরর বউত রাগঅইয়ে।



তঁর মানুষঅলে যহন অবাদ্য অয়, ঈশ্বরে তারারে শাহ্ণির অনুমতি দেয়।  
ইতারলাই যা অইয়ে মনঃশি আর যে মানুষঅলরে ইতা পরিচালনা গইরত।  
ঈশ্বরে তারার উবর আসিরিয় সৈন্য লই আইসসে। মনঃশিরে শিয়লদিয়েরে  
বাধি বাবিলত লইগিয়ে।





বাবিলত কষ্ট, অত্যাচারে, মনঃশি তাঁর  
পভু ঈশ্বরের কাছে পার্থনা গাইজে।  
ইতা নিজরে যথেষ্ট নতনম্র গরিয়েরে  
তার বাবার ঈশ্বরের কাছে পার্থনা  
গাইজে। মরা মুক্তির কাছে আর  
পার্থনা নগরিব! কিন্তু, ঈশ্বরে কি  
মনঃশির এত এত খারাব কামর পরে  
মনঃশিরে উত্তর দিইব?




দিইব! ঈশ্বরে রাজার পাখনার উত্তর দিয়ে,  
তারে জিরুশালমত ফেরত আইননে,  
সিংহাসন ফিরাইদিয়ে, তার মাইনস্যর উবরে  
রাজাত্ব দিয়ে। এখন মনঃশিয়ে বুঝিত  
পাইজে যে ঈশ্বর ই একমাত্র পভু।





রাজা মনঃশি একজন নতুন মানুষ অইয়ে। ও ঈশ্বরের মন্দিররতুন মুক্তি  
বাইর গরিদিয়ে আর জিরুশালেমর মইধ্যে অন্য জাতির দেবতার বেয়াঙ্গুন  
একজাগাত গরিয়েরে বাইরে ফেলাই দিয়ে। ইবা ঈশ্বরের বেদী ঠিগ গরিয়েরে  
ঈশ্বরের কাছে ধন্যবাদর উৎসর্গদিয়ে। তারপরে ও তার মানুষঅলরে আদেশ  
দিয়ে ইস্রায়েলর ঈশ্বরের সদাপভুর সেবাগরিবার। মনঃশির পরিবর্তন অইয়ে!




মনঃশি মারা যাইবার পরে, তার নিজের পোয়া, আমোন, দেবতা পূজা শুরু  
গইজে। কিন্তু মনঃশির মত নিজেরে ঈশ্বরের কাছে নত নগরে। আমোন পাপ  
গরতে গরতে শেষ পইযন্ত ইতার চাকরে তার নিজের ঘরত তারে খুন গইজে।  
ইতা মাত্র দুইবছর রাজত্ব গইজে।



এরপরে রাজা, যোশিয়, মাত্র আষ্ট বছর। ইতা  
৩১ বছর রাজত্ব গইজে আর ঈশ্বরর চোখত  
যিন ঠিক এই কামই গইজে। ও যত অসত্য  
দেবতা, পুজা আছিল এইন ধবংশ গরিদিয়ে।  
এনকি যোশিয় মুক্তি বেয়ঙ্গুনরে গুরি  
গরিয়েরে পউডার বানাইফেলাইয়ে।



ভালা ৰাজা যোশিয়, ঈশ্বৰৰ মন্দিৰ পৰিষ্কাৰ গৰিয়েৰে মেৰামত গইজ্জৈ।  
একজন পুরোহিতে আপৰজনৰ টালতুন ঈশ্বৰৰ আইনৰ বই মুশিৰ মধ্যে  
দিয়েৰে দিইলদি ইবা পাইয়ে।



রাজায় ঈশ্বরের আইনর কথা  
উনিযেৰে, শোৰ্গে শৰীলর  
পোশাক ছিরিফেলাইযে। যোশিয়  
জানে ঈশ্বরের আইনর অবাইদ্য  
অইযেৰে তাঁর পূৰ্বপুরুষ অলে  
কতবড় খারাপ কামগইজে।




হুলদা নামৰ একজন ভাববাদি ৰাজা যোশিয়ৱে একখন খবৰ দিয়ে।  
“ঈশ্বৰে এই কথা কইয়ে, ‘এইচা, আই এইবইৰ যত অভিশাপ ইন  
এইজাগাত ঘটাইয়মা।’” কিন্তু যোশিয় যেহেতু নশ্ৰভদ্র, বাইদ্য, তাঁৰ  
মৰনৰ আগপইয্যন্ত অহঁত নয়।



ঈশ্বরে যোশিয়রে পরিচালনা দিইয়েরে সাইজ্য গইজ্জ্য মাইনস্যরে ঈশ্বরর  
পথত ফিরাই আইনত। একদিন, তার সৈন্য অলরে পরিচালনা গরিবার সমত,  
শত্রুর তির লাগিয়েরে মারাত্তক আহত অইয়ে। তার সেবাকারীয়ে তারে রথত  
গরিয়েরে যিরুশালমত লইগিয়ে যেডে ও  
মারাগিয়ে। তার মানুষ অল শোক পালন  
গইজ্জে, আর ভালা রাজা  
যোশিয়র সম্পর্কে গান বানাইয়ে।





তার কিছুদিন পরেই, রাজত্ব শেষ  
অইয়ে। কিন্তু কঅনঅ একদিন,  
আর একজন রাজা উডি আইব  
ইস্রায়েলর উবর। তাঁর নাম রাজার  
রাজা, পভুর পভু। যহন যীশু খ্রীষ্ট  
পইলাবার আইসসে, তাঁরে  
পত্যাখ্যান গরিয়েরে ক্রুশত দিয়ে।  
যীশু খ্রীষ্ট, আবার আইব, তহন  
মাত্র ইস্রায়েলর রাজা নয়, কিন্তু  
সারা জগতর রাজা অইব।





ভালা রাজা, খাৰাব রাজা

ঈশ্বৰৰ বাইক্য পবিত্ৰ বাইবেলেৰ তুন গল্পওয়া লওয়া অইয়ে

গল্প ইবার মইদ্যে আছে দে

২ বংশাবলি ৩৩-৩৬

“তোঁয়ার বাইক্যই আঁৰ জীবনৰ আলোৰ কেবার (দরজা)।”

গীতসংহিতা ১১৯:১৩০ পদ



শেষ



এই বাইবেলের কাহিনী ইবা যে, আরাৰে তৈয়াৰ গইৰগে এৰং তিনি চান যেন আৰা তাঁৰে জানি আৰাৰ সেই চমৎকাৰ ঈশ্বৰৰ ব্যাপাৰে আৰাৰে কয় ।

ঈশ্বৰ জানে যে, আৰা খাৰাপ খাৰাপ কাম গইৰগি যিবাৰে ঈশ্বৰ পাপ কয় । পাপৰ শাস্তি মৰণ কিন্তু ঈশ্বৰ আৰাৰে বেশী ভালবাসে । তিনি তাঁৰ অগ্নো পোয়া যীশুৰে আৰাৰ পাপৰ লাই দ্রুশত মৰিবাৰলাই আৰ শাস্তি পাইবাৰ লাই পাঠাই দিইল । পরদি যীশু মৰনৰতুন জেয়াতা হইয়েনে স্বৰ্গৰ মধ্যে যে, ঘৰ আছে এডে ফিৰি গেইয়ে । যদি অনে যীশুৰে বিশ্বাস গৰণ আৰ অনৰ পাপৰ লাই তাঁৰ কাছে মাফ চন তইলে তিনি মাফ গৰি দিব । তিনি এহন আইয়েৰে আৰাৰ মধ্যে থাকিব আৰ অনেও তাঁৰ মধ্যে আজীবন থাইবেন ।

যদি অনে বিশ্বাস গৰণ যে ইবা হাঁসা তইলে ঈশ্বৰৰ কাছে এই প্রার্থনাওয়া গৰণ:  
প্রিয়া যীশু, আই বিশ্বাস গৰি দে, তুঁই ঈশ্বৰ আৰ আৰাৰ পাপৰ লাই মৰিবাৰ লাই মানুষ হইয়েনে জনুগ্ৰহণ গইৰজুইন । আৰ এহন তুঁই আবাৰ জীবিত আছন । দয়া গৰি আৰ জীবনত আইয়ো আৰ আৰ পাপ ক্ষমা গৰ যেন, আই এহনতুন নওয়া জীবন পাইত পাৰি আৰ এক দিন হাৰাজীবন তোয়াৰ অংগে থাইকতো যাইত পাৰি । আৰে সাহায্য গৰ যেন, তোয়াৰ আদেশ মানিত পাৰি । আৰ তোয়াৰ পোয়া হইয়েনে তোয়াৰ লাই জীবন কাটাইত পাৰি ।

বাইবেল পড়ন আৰ পোতুকদিন ঈশ্বৰৰ অংগে কথা কন (যোহন ৩:১৬) ।

